



Broj: 03-4608/23
Đurđevik, 31. 07. 23

Na osnovu člana 70. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22), Zapisnika o ocjeni ponuda od 12.07.2023. godine i člana 48. Statuta Rudnika mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

ODLUKU

o izboru najpovoljnijeg ponuđača za javnu nabavku usluga
Popravka VN autotransformatora sa bagera Liebherr R9200E

Nakon provedenog Otvorenog postupka za nabavku usluga: **Popravka VN autotransformatora sa bagera Liebherr R9200E** Ugovor se dodjeljuje ponuđaču: **"Elektroremont" d.d. Banovići** čija je ponuda ocjenjena kao najuspješnija.

OBRAZLOŽENJE

Po obavještenju o nabavci za javnu nabavku usluga: **Popravka VN autotransformatora sa bagera Liebherr R9200E** broj obavještenja: 350-1-2-180-3-265/23 objavljenom na Portalu javnih nabavki dana, 19.06.2023. godine, referentni broj nabavke: 03-3649/23 Tendersku dokumentaciju preuzelo je četiri ponuđača, a što se vidi iz Izvještaja o preuzimanju Tenderske dokumentacije, a koji je kreiran 12.07.2023. godine.

Rok za dostavu ponuda bio je 12.07.2023. godine do 11:00 sati, a javno otvaranje ponuda je zakazano za 12.07.2023. godine u 11:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku je dostavio jedan ponuđač i to:

- 1) Ponuda sa prijemnim brojem 19-4133/23 od 12.07.2023. godine,
Ponuđač: "Elektroremont" d.d. Banovići.

Javno otvaranje ponuda je dana 12.07.2023. godine u 11:30 sati izvršila Komisija za provođenje postupka javne nabavke imenovana Rješenjem direktora broj: 03-3650/23 od 14.06.2023. godine.

Zapisnik sa javnog otvaranja ponuda je dana, 12.07.2023. godine dostavljen ponuđaču.

Na zatvorenoj sjednici Komisije za nabavke održanoj dana 12.07.2023. godine u 12:00 sati Komisija je izvršila provjeru kvalifikacije kandidata/ponuđača, te konstatovala da se ponuđač: "Elektroremont" d.d. Banovići kvalifikovao za dalji tok javne nabavke usluga.

Komisija je istog dana izvršila pregled i ocjenu ponude, odnosno utvrđivanje prihvatljivosti ponude kvalifikovanog ponuđača i utvrdila da je ponuda ponuđača: "**Elektroremont**" d.d. Banovići **prihvatljiva**, jer potpuno udovoljava svim zahtjevima iz Obavještenja i Tenderske dokumentacije.

Komisija je u skladu sa članom 3. stav (3) Pravilnika o uslovima i načinu korištenja e-aukcije utvrdila da se ne može zakazati e-aukcija jer je primljena jedna prihvatljiva ponuda.

Komisija je zatim izvršila analizu prihvatljive ponude prema kriteriju **Najniža cijena**, te konstatuje sljedeće:

Ponuda koja je ocijenjena kao najuspješnija je ponuda ponuđača koji je ponudio najnižu cijenu

1. Ponuda ponuđača: "**Elektroremont**" d.d. Banovići broj: 231/23 od 10.07.2023. godine sa sljedećim elementima ponude:
 - ponudena cijena: **25.000,00 KM** bez uračunatog PDV-a, odnosno 29.250,00 KM sa uračunatih 17% PDV-a na paritetu DDP krajnje odredište – RMU "Đurdevik"
 - uslovi i rok plaćanja: odloženo plaćanje u roku 60 dana od dana fakturisanja, bez bankovne garancije za odloženo plaćanje.
 - rok izvršenja usluge: u roku 30 dana od dana obostranog potpisivanja Ugovora.
 - garantni rok za izvršenu uslugu: 12 mjeseci od dana završetka usluge.

Obzirom na prednje izneseno, donesena je odluka kao u dispozitivu.

Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101.

Žalba se izjavljuje URŽ-u putem Ugovornog organa u pismenoj formi u roku od 10 dana od prijema Odluke o izboru najpovoljnijeg ponuđača.

PROKURISTA

DIREKTOR

Dr. sci. Admir Jahić, dipl. inž. el. teh.

Husein Trumić, dipl. inž. maš.

DOSTAVLJENO:

- ponuđačima,
- arhivi.